

NEJYA'AYKYUKË MA MËJ IT MËJ  
NAAXWIINY ETS YAKTUKTËK YAK-  
TUKWA'AKËTY JA NIJA'AWËN, NAAX  
KAJPN TTUKTËK TTUKWA'AKËTY  
ETS JYÄÄ'ATËTY JA TËY'AJTËN MA  
IT NAAXWIINY WINMA'ANYËN MA  
AMÉRICA LATINA Y EL CARIBE



INSTITUTO NACIONAL  
DE LOS PUEBLOS  
INDÍGENAS

## **NEJYA'AYKYUKË MA MËJ IT MËJ NAAXWIINY ETS YAKTUKTËK YAKTUKWA'AKËTY JA NIJA'AWËN, NAAX KAJPN TTUKTËK TTUKWA'AKËTY ETS JYÄÄ'ATËTY JA TËY'AJTËN MA IT NAAXWIINY WINMA'ANYËN MA AMÉRICA LATINA Y EL CARIBE**

**Jam ojts yak'ëxaj yakjaay'oyë Escazú (Costa Rica), taxk aamp marzo po'o ko jëmëjt tyuyo'oy 2018.**

**Awa'ats'ajtën ma yaktukxajë jam ma kyopk Naciones Unidas, Nueva York, i'pxwixtujk aamp septiembre po'o ko jëmëjt tyuyo'oy 2018.**

### **MIXE**

**Nitu'ukaty mëti'ipë tyuk'ijtëpën ma ya'atë Nejya'aykyukë,**

*Yakja'amyäjtsp ja Declaración sobre la Aplicación del Principio 10 de la Declaración de Río, mëti'ipë ojts tkajpxmuktën yë mëj kutuunkëty ma América Latina y el Caribe ma ja Conferencia de las Naciones Unidas sobre el Desarrollo Sostenible, jam Río de Janeiro (Brasil) en 2012, ma yakkajpxmpty ja tuunk mëet ja tëy'ajtën ets jyää'atëty ja nija'awën, yaktukték yaktukwa'akëty ets yakkuuytyunëty ja tëy'ajtën ma it naaxwiiny wyinma'anyën, yak'ijxapatp ko yakpaata'any yakkuuytyuna'any ja tuunk mëet tu'kë'eyë ja tëy'ajtën ets yankikäjpyxy ja mëk'ajtën wä'än ttso'ontä'äky ja ijjxën ko'owën mëti'ipë yakëpën tu'uk tuunpäjtn ets pyutékety mëjwiin këjaa,*

*Yanikajpxëp ja y'ëjx pya'tk wi'ix tsyo'ontä'äky 10 ma ja Declaración de Río sobre el Medio Ambiente y el Desarrollo de 1992, ko tpëjktä'äky jëtu'un ta yaa yaknikäjpyxyen: "ja oypyë jot winma'any wi'ix mëpaat yaktuunk'aty ja it naaxwinma'any yë'ë mëet ko nitu'kë'eyë ja ja'ay ttukték ttukwa'akë-*



tëty, ma pyäätyen. Ma tu'uk mëj it mëj naaxën, nitu'kë'eyë ja'ay kwanë jyää'atëty mëtëyë ets t'ix tpaatëty ja nija'awën ma it naaxwiiny mëti'ipë mëj kutuunk énetety myëet'ajtëpën, jyap'atëty nentu'un ja nija'awën mëti'ipë y'ëxëétunäämphyen ja naax kajpn, nentu'un jää'atëty ja awa'ats'ajtën ets ttukték ttukwa'akëtëty ma tii winaty yaknikäjpyxy yaknimëtyä'äky. Ja Mëjkutuunkëty kwanë tyaktëty ets ttukpa'ëna'ämty mëet oy jyot wä'än naax kajpn ttukték ttukwa'akë ma énetety ja nija'awën jää'aty ets oy pyenëty t'ixëty tpaatëty. Kwanë jyää'atëty nëë tu'u oy tuknipëjkaakë ets tpanëjkx tpatunëty ja tëy'ajtën ets tukniwits tuknima'kxë, ma yakpaaty ja këpajtën ma tëko'oyëñ ëxëektu'unen mëet mëtakpäjtn jëtu'un ta pyaatty nyitë'kën",

*Yakkajpxkëxë'ëky* ko yë tëy'ajtën ma niija'awën yakpëkyën ets yaktukték yaktukwa'akën nee'ijx neepyaptëtëp ja xim ja yam, jëtu'untsën pyäätyë ets yak'ix yakpatunëty tu'knax ets tu'kmukyë,

*Yakmëpëjkp* ko yë tëy'ajtën ma nija'awën yakpëkyën putëjkëp ets myëkpëkkëty ja käjpyxy mëtyä'äky, ja oy juuky'ajtën mëet winkutsë'kën yë it naaxwiiny ets nitu'kë'ëyë ja'ay tyiy'ajtën,

*Yaknikäjpxëp* ko jëjp'am yakpëjktä'äky ja Declaración Universal de Derechos Humanos ets yakja'amyätsp kanaak tuunpäjtn mëti'ipë tuunpën kanaak mëj naax kanaak mëj it ja ja'ay tyiy'ajtën mëti'ipë nikëjxy yakpëjtakpën ko nitu'kë'ëyë mëj kuttunkëty myëët'ajtëp ets twinkutsë'ekëtety, t'ix'it tkwentë'attëty ets tpaatunëty ja ja'ay tyiy'ajtën ets jyää'atëty ja ëwa'ats'ajtën wä'än nitu'kë'ëyë ja'ayëty jyuuk'attëty wi'ix wyinma'anyëty, ma nentu'un yakpatyën maa y'aats tyikts, nyiini'kx, ye'eytyëjk to'oxytyëjk, y'aaw y'ayuuk, myëpëjkën, myä'äyën tyajën ma naax kajpnën ok oy tyijiëty, maa tsyoonyën, wyt myëëny, maa ojts myiny jya'ty ok oy ënety wi'ix yak'ixy yakpaaty,

*Yaknikajpxëp* ko nitu'kë'ëyë yëjx pya'tk wi'ix tsyo'ontä'äkyën ja Declaración de la Conferencia de las Naciones Unidas sobre el Medio Humano de 1972 ets ja Declaración de Río sobre el Medio Ambiente y el Desarrollo de 1992,

*Yakja'amyätsp* ja Declaración de la Conferencia de las Naciones Unidas sobre el Medio Humano, el Programa 21, ja Plan para la Ulterior Ejecución del Programa 21, la Declaración de Barbados y el Programa de Acción para el Desarrollo Sostenible de los Pequeños Estados Insulares en Desarrollo, la Declaración de Mauricio y la Estrategia de Mauricio para la Ejecución Ulterior del Programa de Acción para el Desarrollo Sostenible de los Pequeños Estados Insulares en Desarrollo, la Declaración de Johannesburgo sobre el Desarrollo Sostenible, el Plan de Aplicación de las Decisiones de la Cumbre Mundial sobre el Desarrollo Sostenible y las Modalidades de Acción Acelerada para los Pequeños Estados Insulares en Desarrollo (Trayectoria de Samoa),

*Yakja'amyätsp* nentu'un ko, ma ja nokyën mëti'ipë ojts yakja'ayën ma Conferencia de las Naciones Unidas sobre el Desarrollo Sostenible, jam Río de Janeiro (Brasil) en 2012, ja kyajpxkopk "Ja juuky'ajtën mëti'ipë miimpën ntsojkëm", yak'ijxpatp ko ja nikajpx nimëtyakën, ja oy kyutuunk'ajtën ets jyää'aty ja tëy'ajtën, ma mëjwiin këjää naax kajpn ets wiink it wiink naax, nentu'un jëjp'am yakpëjktä'äky ets jyää'atëty juuky'ajtën oypyë ka'ap yak'ëxëéktunëty mëti'ipë miimp këtakpën, nentu'un jyää'atëty wit meeny ma nitu'këyë ttukték ttukwa'akëtën, oy'ajtën ma naax kajpn, ix'ijtën kwentë'ajtën it naaxwiiny ets ku-

tēko'oyēn ja öyo'owēn ets ja yuu; yaknika-jpxp ko ja ja'ay ttuktēk tuktwa'akety mējwiin kējää ets t'ix tpaatetyl ja nija'awēn ets ja nēē tu'u oy tuknipējkaakē ets tpanējkx tpatunetyl ja tēy'ajtēn ets tukniwits tuknim'a'kxē jējp'am yēē wāän tjaä'aty juuky'ajtēn oypyē ka'ap yak'ëxééktunetyl mēti'ipē miimp kētakpēn, ets wāän tjakpatuny ma tu'uk tu'uk naax kajpn mējwiin kējäpaat, jyam'attetyl ja nija'awēn ma it naaxwiiny, naax kajpn ttuktēk ttukwa'akē ma yaknikäjpyxy yaknimetylä'akyēn ja it naaxwiiny ets wāän tjaä'aty tjapatuny ja tēy'ajtēn ma it naaxwinma'anyēn, ko tyu'uwitsēty,

Yak'ijxpatp ma ojts y'oyēn 70/1 ma ja Asamblea General de las Naciones Unidas, ko i'pxmēkoxk y'any septiembre po'o ma jēmējt tyuyo'oyēn 2015, kyajpxkopk "Transformar nuestro mundo: la Agenda 2030 para el Desarrollo Sostenible", ma ojts yakkajpxkētä'akyēn ja nejya'akyukē kanaak pēky kanaak nax ja Tuunk pēky meti'ipē yakpataampēn ets jyää'atetyl juuky'ajtēn oypyē ka'ap yak'ëxééktunetyl mēti'ipē miimp kētakpēn ets tijaty yak'ixaamp yakpataamp mējwiin kējää ets tēkajtsēn, ets yak'ixetyl ja ja'ayēn, ma ojts kyutukyēn ets ja juuky'ajtēn oypyē ka'ap yak'ëxééktunetyl mēti'ipē miimp kētakpēn tēkééknax -meeny, naax kajpn ets it naaxwiiny- tu'knax ets kā'pyxy,

Yak'ijxpatp ko jyää'aty kanaak pēky ja aaw ayuuk ja jot ja winma'any ja juuky'ajtēn jam América Latina y el Caribe nyaax kajpn,

Yak'ijxpatp ets yakmēpjējktakpn ja tuunk pēky meti'ipē naax kajpn tyuum-pyēn ets meti'ipē kyuuwa'antēp wāän tjakkuuytyuny yē tēy'ajtēn ma ja it ets naaxwinma'anyēn, wāän tjaä'aty kājpyxy mētyä'aky, tēy'ajtēn jyää'atetyl ja ijk nii-ja'awēn ets ja oy'ajtēn juuky'ajtēn mēēt winkutsē'kēn ja it naaxwiiny,

Yaknija'awēp tijaty yaktuump ets yak'ijxp yakpatp mēēt ja tuumpäjtn ets ijxpäjtn ma ja tēy'ajtēn yakkuuytyunyēn ma tu'uk tu'uk mēj it mēj naaxēn jyää'aty ja nijjawēn mēti'ipē nyimetyläkpyēn ja it naaxwiiny, yaktuktēk yaktukwa'akēn, yakniikäjpyxy yaknimetylä'aky ets jyää'ty tēy'ajtēn ma ya'atē winma'anyēn,

Yakmēpjējkp ko tēkoy'ajtp ets jyää'atetyl mēēt ja mēk'ajtēn ja kājpyxy mētyä'aky, ja aks'oon ayajkēn, ja neepyutēkē, ja wi-jēn kājēn ets ja mēpjējktakēn, nentu'un myēkpēketyl ja tu'unēn mēto'owēn, mējwiin kējää it ets ma tu'uk tu'uk naax kajpnēn, ets yakuuytyunetyl ja tēy'ajtēn ko ya'atē winma'any yak'ixy yaknijawē,



Neetyuk'ë'ijxëtëp ko tpaatunna'an-të kä'pyxy ja tëy'ajtëن ma nijja'awën yakpëkyen jëtu'un ta yakajpxmukyen ma ya'atë Nejya'aykyukë, nentu'un ko jyää'aty ets yakmëkpëjktä'aky ja tu'unén ets ja tuunmuky,

Ojts nyeejya'aykyutë jëtu'un ta yam yaka-jpxkëxë'ëkyen:

## Tëy'ajtëن kyajpxwä'kyxy 1

### YË'Ë YAK'IXAAMP YAKPATAAMP

Yë'ë yaktunaamp yakpataamp ma ya'atë Nejya'aykyukën ko kä'pyxy ets mëtëyë yakuuytyunëty jam América Latina y el Caribe ja tëy'ajtëن ko yakmëët'atëty ja nija'awën ma yë it naaxwiiny, ja naax kajpn ttuktëk ttukwa'akety ma yaknikäjpyxy yaknimëtyä'äkyen yë it naaxwiiny ets jyää'at yakuuytyunëty ja tëy'ajtëن, nentu'un myëjwiin kyëjääjety ja tuunk ets ja neepyutëkë, yakkwentë'atëty tu'uk tu'uk ja'ay tyiy'ajtëن, mët'i'ipë tyam juuky'ajtëpën ets mët'i'ipë jää miin këtaktëpën, jyää'atëty oypyë juuky'ajtëن mëët winkutsë'kën ja it naaxwiiny.



## Tëy'ajtëن kyajpxwä'kyxy 2

### KAJPXWATSËN

#### Ja patu'unén ma ya'atë Nejya'aykyukë

a) yë "tëy'ajtëن ets jyää'atëty tuktëk tukwa'akë" jä'ä yakja'aykyukë ko yakmëët'ajtp ja tëy'ajtëن ets yak'ix yakni-jawëty yë it naaxwiiny, ja tëy'ajtëن ets yaktuktëk yaktukwa'akety ma yakniikäjpyxy yaknimëtyä'äkyen yë it naaxwiiny ets ja tëy'ajtëن ma yakpaatunyeny;

b) yë "kutuunk mëti'ipë pattëpën" jä'ä yakja'aykyukë, wä'än tkuuytyun wi'ix tniikäjpyxyen ma tëy'ajtëن kyajpxwä'kyxy 5 ets 6 ma ya'atë Nejya'aykyukën, tu'kë'ëyë nyikutuunk mëti'ipë mëk'ajtëن myëët'ajtypyën, ja kutuunk ets tuunk pëky ma yak'ix yakuypaty ja nija'awën, nentu'un ttuktëk ttukwa'akë kanaak pëky kanaak nax yë kutuunk mëti'ipë mëj kutuunk myëtuumpypyen ok mëti'ipë kë'ëm ojts nyemyä'kxëtënen ok pen yë mëj kutuunk ix'ijtëp, wä'än tjatuntë ja myëk'ajtëن mëti'ipë mëj tëy'ajtëن mooyëpën ok wiinkëtypyë tëy'ajtëن, ets ko pyaatëtëty, ja ja'ayëty mëti'ipë épëky kë'ëm winma'any tuuntëpën, pen y'ëxajjëtëp meeny nepyutëkë ok pen pyutëjkëtëp naax kajpn, yi'iyë mëti'ipë ènety yaktuunkpatäämpyen ma naax kajpn;

c) yë "nija'awën ma it naaxwiiny" jä'ä yakja'aykyukë tu'këyë nija'awën jaaypyety, ijxpäjtn, mëto'owën mëet, pujxnoty ets jaaypyety kanaak pëky kanaak nax, mëti'ipë nyimëtyäkypyen it naaxwiiny ets tiiyat yæk'ix yakpatpën, nentu'un mëti'ipë kutsë'ëkën ets tsojk t'ëxëektunety yë it naaxwiiny ets yë ja'ay jyuuky'ajtë, nentu'un mëti'ipë nyiikäjpyxypy wi'ix yakkwentë'aty ets yaktukniwits yaktuni-pëjkaakë ets oy tyuunkpaatety;

d) yë "naax kajpn" jä'ä yakja'aykyukë tu'uk ok niimay ja'ay ok mëti'ipë tëe nyeetyu'uk-mukëtë ets tnitänëtë may jya'ay kanaak it kanaak naax ets yë mëj kutuunk mëti'ipë ojts tuktékëtë ya'atë neejyä'aykyukë ijxpattëtëp;

e) yë "ja'ay ok mayjya'ay mëti'ipë yakpattëpën émaay" jä'ä yakja'aykyukë ko yë ja'ayety mëti'ipë yakpattëpën émaay mëet jotmay ets tjakuuytyuntety ja téy'ajtë mëti'ipë yakkajpxkëxé'kpën ma ya'atë Nejya'aykyukë, wi'ixtsowëty ets maatsowëty yakja'aykyukë ma tu'uk tu'uk mëj it mëj naax ets wi'ixety ja énä'ämën tmëët'attë.

## Tëy'ajtëñ kyajpxwä'kyxy 3

### Y'ËJX PYA'TK WI'IX TSYO'ONTÄ'ÄKY

Nitu'ukaty mëti'ipë tyuk'ijtëpën yë'ë pyaanëjkxan pyaatunantëp ja y'ëjx pya'tk wi'ix tsyo'ontä'äkyen ma tyuunkpaa-ta'anyen ya'atë Nejya'aykyukë:

a) y'ëjx pya'tk wi'ix tsyo'ontä'äky ko tu'knax'ajtëm ets ka'ap pën jëkäm jëxkë'ëm yapëjktä'äky;

b) y'ëjx pya'tk wi'ix tsyo'ontä'äky ko oy, kä'pyxy ets mëtëyë ti yakniikäjpyxy yaknimëtyä'äky;

c) y'ëjx pya'tk wi'ix tsyo'ontä'äky ka'ap y'ix-tékënjkyxyen ets winpäjtp wintu'upëjkp yë tuunk;

d) y'ëjx pya'tk wi'ix tsyo'ontä'äky mëet amuumtu'ukjot;

e) y'ëjx pya'tk wi'ix tsyo'ontä'äky y'ëtujkypy ja ka'oy'ajtë;

f) y'ëjx pya'tk wi'ix tsyo'ontä'äky oy'ixy oykwentë;

g) y'ëjx pya'tk wi'ix tsyo'ontä'äky ja tu'knax'ajtëñ mëet ja mëjja'aytyëjk ets énaktëjk;

h) y'ëjx pya'tk wi'ix tsyo'ontä'äky ets mëjwiin këjää ja nija'awën wyä'kyxy;



**i)** y'ëjx pya'tk wi'ix tsys'o'ontä'äky ko kë'ëm  
ënä'ämén tjakutuky tu'uk tu'uk mëj  
kutuunk wi'ix tjatuunkpata'any ja y'it  
nyaaxwiiny;

**j)** y'ëjx pya'tk wi'ix tsys'o'ontä'äky ja  
tu'knax'ajtëñ ja kutuunk'ajtk ma tu'uk  
tu'uk mëj kutuunk; ets

**k)** y'ëjx pya'tk wi'ix tsys'o'ontä'äky ko tpuu-  
tëk tpuuwa'akë ja ja'ay.

## Tëy'ajtëñ kyajpxwä'kyxy 4

### PYATU'UNËN MËJWIIN KËJÄÄ

**1.** | Nitu'ukaty mëti'ipë tyuk'ijtëpën  
pya'ixäämpy pyatunäämpy ja tèy'ajtëñ  
wä'än nitukë'ëy ja'ay jyuuky'attëty oy  
jotkujk ma it naaxwiinyen, jëtu'un ta oy  
myëti'ipëty tèy'ajtëñ nu'un tu'kë'ëyë naax  
kajpn yak'ijxpaatyen ets yakwinkutsë'ëkën  
mëti'ipë mëet nyepyäätyen ma ya'atë Ne-  
jya'aykyukë.

**2.** | Nitu'ukaty mëti'ipë tyuk'ijtëpën  
y'ixäämpy tyunäämpy wä'än ja tèy'ajtëñ  
mëti'ipë yaa yakmëjpëjktakpën ma ya'atë  
Nejya'aykyukë ets yakkuuytyuntëty.

**3.** | Nitu'ukaty mëti'ipë tyuk'ijtëpën  
jyä'äpëkantëp tu'kë'ëyë pa'ix patu'unen,  
ma tèy'ajtëñ tnimëtyä'äkyen, tuknimä'kx  
tuknikäätsë, maatsow wi'ixtsow, jëtu'un  
ta yakkajpxkëxë'ëkyen, ets yakpa'ix yakpa-  
tunëty ya'atë Nejya'aykyukë.

**4.** | Jä'ä ja winma'any yakpëjktä'äky ets  
yakpatunëty oy kä'pyxy mëti'ipë nyikä-  
jpyxypyën ma ya'atë Nejya'aykyukë, Ni-  
tu'ukaty mëti'ipë tyuk'ijtëpën myo'ojaäm-  
py ja naax kajpn ja nija'awëñ ets ja  
tëy'ajtëñ mëti'ipë myëët'ajtëpën ets ttuk-  
tëk ttukwa'akëtëty ja nija'awëñ.

**5.** | Nitu'ukaty mëti'ipë tyuk'ijtëpën  
tjakokpëka'any wä'än tjawinwoy  
tjawinwitsy ja ja'ayëty -jëjp'am ni'ik mëët  
ja'ayëty, may jyä'äy ok naax kajpn më-  
ti'ipë ëmaay yakpattëpën- ets jëtu'un  
tkuuytyuntëty ja tyiy'ajtëñ ma ijj nija'awëñ.

**6.** | Nitu'ukaty mëti'ipë tyuk'ijtëpën  
pya'ixäämpy pyatunäämpy ets jyam'attëty  
oy ja tuunk pëky ma ja'ayëtyen, mëti'ipë  
netyu'ukmujktëpën ok nekyajpxëtëpën  
ko tkuuytyuna'antë ja ix'ijtëñ ja it naaxwi-  
iny, wä'än t'ijxpaaty tmëjpëjktä'äky ets  
tkwentë'aty.

**7.** | Nitii mëti'ipë yam yakka-  
jpxkëxë'kpën ma ya'atë Nejya'aykyukë  
kyajpx'ëtukäämphy ok kyajpxtëkoyäämphy  
wiinkëtypë tèy'ajtëñ mëti'ipë putëjkëpën  
ets tëë yakkajpxwë'ëmnë ok wä'än ènety  
yakkajpxwëma'any ma mëj kutuunkën  
Nitu'ukaty mëti'ipë tyuk'ijtëpën ok ma  
wiinkpë Nejya'aykyukë të ttuktëkën, nen  
ka'ap t'ëkajpxtukka'any tu'uk ja mëj ku-  
tuunk mëti'ipë nitu'ukaty tyuk'ijtëpën ets  
t'ixëty tpaatëy nija'awëñ mëjwiin këjää  
ma it naaxwiinyen, ja tuktëk tukwa'akë  
mëët naax kajpn ma yaknimëtyä'äkyen  
tijjaty yaktunaamp ets ja tèy'ajtëñ ma it  
naaxwinma'anyen.

**8.** | Ma ënety yakkuuytyunyën ya'atë Nejya'aykyukë, Nitu'ukaty mëti'ipë tyuk'ijtëpën tyuyo'oya'any ets t'ëxaj tkupëktety ma yakja'aykyuka'anyën oy'äämy ets yaktukxon yaktukxoonta'akety mëet winkutsë'kën ja tëy'ajtën ma yaktukték yaaktukwa'akën ja nija'awën.

**9.** | Ko ënety yakkuuytyuny ya'atë Nejya'aykyukë, Nitu'ukaty mëti'ipë tyuk'ijtëpën jää' yaktuunkpatäämpy ja wiji pyujxn ets ja aaw ayuuk, jëtu'un ta nija'awën ëwa'ats nentu'un y'ita'any, ets kanaak aaw kanaak ayuuk mëti'ipä yakkajpx yakmëtyakp ma ja mëj it mëj naax, ko jëtu'un tpatety. Ja wiy pyujxn jää' tyuunkpata'any mëtëy ets ka'ap t'ëtu'k tjéjpmëkajpxety ja naax kajpn.

**10.** | Nitu'ukaty mëti'ipë tyuk'ijtëpën mëpaat ja tuunk tjetuuyo'oytyë ma tyajkwa'kxtë ja nija'awën ma ya'atë Nejya'aykyukë wiinktsow ma yaknikäjpyxy yaknimëtyä'akyen kanaak mëj it mëj naax ko ja winma'any nyepaatëtety ma ja it naaxwiinyen, jëtu'un ta ja ënälämén tjakutukyën tu'uk tu'uk mëtyä'aky.

## Tëy'ajtëن kyajpxwä'kyxy 5

YAK'IX YAKPAATËTY NIJA'AWËN  
MËTI'IPË NYIMËTYÄKYPYËN JA  
IT NAAXWIINY

Ijxën pattën nija'awën mëti'ipë nyimëtyäkypyen ja it naaxwiiny

**1.** | Nitu'ukaty mëti'ipë tyuk'ijtëpën kwanë ko tkuuytyunety ja naax kajpn tyiy'ajtën wä'an t'ijxtë tpëktë ja nija'awën

ma ja it naaxwiiny tnimëtyä'akyen mëti'ipaty kyë'ë'am'ajtëpën, mëet y'ëjx pya'tk wi'ix tsyo'ontä'aky ets mëjwiin këjää ja nija'awën wyä'kyxy.

**2.** | Ja kuuuytu'unen tëy'ajtën ma nija'awën yakpëkyen ma it naaxwiiny jää'yëntijypy:

**a)** yak'ëmtoy ets yak'ëxajë ma ja kutuunken mëti'ipë pattëpën ets ka'ap timjää' mëpaat tyimyanikäjpyxy tyimyanimëtyä'aky tii ko yak'ëmtoy yakpëjktsoy ja nija'awën;

**b)** nija'awën yakpëk yakpaatëty pen ja kutuunk mëti'ipë yak'ëmtoop yakpëjktsoop jap o ka'ap ja nija'awën tmëëtety; ets

**c)** nija'awën yakpëk yakpaatëty ko jää'ajtp tëy'ajtën ets yakkajpxkëx'ëkety ko ka'ap mëëtëy ja kutuunk ja nija'awën tyaktë ets tuijaty tsojkëp wä'an tjakuutyun tääpë tëy'ajtën.





**3.** | Nitu'ukaty mëti'ipë tyuk'ijtëpën t'ixtaja'any wi'ixtsow mëpaat ja'ay ok mayjya'ay mëti'ipë émaay yakpattëpën pojyën ja nija'awën tpëktë mëti'ipë nyimëtyäkypyën it naaxwiiny, tkajpxkëxé'ëktëty wi'ixtsow'äämpy ja noky yak'ëxaja'any mëti'ipë y'ëmtoopy pyëjktsoopyën ets konëm ja nija'awën tpëktëty, yak'ix yaktunëty wi'ixëty nitu'ukaty yakpaatë, mëetjä'äkyëjxm ets jää'atëty ja tu'knax'ajtëns ko nija'awën yakpëky ets yaktukték yaktukwa'akë.

**4.** | Nitu'ukaty mëti'ipë tyuk'ijtëpën pya'ixäämpy pyatunäämpy ets ja ja'ay ok mayjya'ay mëti'ipë émaay yakpattëpën, ets nentu'un ayuuk ja'aykyajpn, yaktukmëëtmëtya'aktëty ets oy tkajpwij tkajpwa'atëty ja y'ëmto'ow pyëjktso'owën ets nentu'un yakmo'otëty ja étsoowmpijtëns.

#### **Kyayakupëky ets ja nija'awën t'ijxtëty tpaatëty ma it naaxwiiny**

**5.** | Ko ja nija'awën mëti'ipë éneety yak'ëmtoopën ok yi'në wäänë kya-

yakë'ëmooytya'ajëty pën énety y'ëmtooypyën mëet jääkyëjxm ko ka'ap mëpaat tpëky tpaaty jää ko jëtu'un nyiikutukë ma mëj tëy'ajtëns, ja kutuunk mëti'ipë pat-tëpën kwanë nokykyëjxm tnijjayëty ma tniikajpxa'any tniimëtyaka'any tii ko énety ka'ap ja nija'awën yajkmo'oy tëy'ajtkeyëjxm, ets nentu'un ja nija'awën tmo'ojetë ko pën énety y'ëmtoopy pyëjktsoopy mëpaat tkakupëkety ets tpaayo'oyëty.

**6.** | Ja ijkëns pattëns ja nija'awën mëpaat yak'ëkapxtuky jëtu'un ta mëj tëy'ajtëns tjakutukyën. Ko npëjktakmëty ma nitu'ukaty mëti'ipë tyuk'ijtëpën ka'ap tmëëtëty ma t'ëkajpxtukyën mëet mëj tëy'ajtëns, mëpaat tjatuunkpaaty mëti'ipë yam yakkajpxkëxé'ëkaampën:

**a)** ko mëjwiin këjää tkajpxwa'akxëty ja nija'awën tsojk t'ëxëëktun tka'oytyunëty ja juuky'ajtëns, ja nee'ix'ijt neekwentë'ajtëns ets ja ja'ayëty;

**b)** ko mëjwiin këjää tkajpxwa'akxëty ja nija'awën tsojk t'ëxëëktun tka'oytyunëty mëjwiin këjää ja oy'ajtëns, akujk'ajt jotku-jk'ajtëns ok ja nee'ix'it neekwentë'ajtëns;

**c)** ko mëjwiin këjää tkajpxwa'akxëty ja nija'awën tsojk t'ëxëëktun tka'oytyunëty ja it naaxwiiny, nentu'un aay ujts, yujk joon mëti'ipë jää kutëkoonyëpën; ok

**d)** ko mëjwiin këjää tkajpxwa'akxëty ja nija'awën tsojk tjatso'onta'akëty ëxëëkpë etst'ëxëëktun tka'oytyunëty ja tëy'ajtëns, ok ja payo'oyëns, pa'ijx patu'unëns ja tëko'oyëns.

**7.** Ma ja tēy'ajtēn mēti'ipē y'ëkajpx-tujkypyen ja nija'awēn jā'ä yak'ixaamp yakkwentépēkaamp ko nitu'ukaty mēti'ipē tyuk'ijtēpēn wi'ixaty ja ēnā'ämēn tmēet'attēn ma yē ja'ay tyiy'ajtēn. Nitu'ukaty mēti'ipē tyuk'ijtēpēn jyotmo'ojaämphy wā'än ja tēy'ajtēn mēti'ipē y'ëkajpxtujkypyen tjää'aty kanaak pëky kanaak nax ets yak'ix yakpaatēty ja nija'awēn.

**8.** Ja winma'any kajpxpäjtēn ko ka'ap ja nija'awēn ēnety yakyäk jap yakkajpxwa'at-sa'any ma tēy'ajtēn ets yakkajpxtēwa'any oy ets kä'pyxy ma jyap'atta'anyēn tii tsyo-jkypy ja naax kajpn, ets nentu'un tu'kjēj je'ey yakja'akyuka'any. Ya'atē tuunk jam kyaja'any ma kutuunk mēti'ipē pattēpēn.

**9.** Ko yak'ijxmatsēty mēti'ipē naax kajpn pattēpēn, ja kutuunk jā'ä tyukniiwitsē-jäämpy ja nija'awēn ets maatsow wi'ixtsow tpuutékēja'anyēn ko naax kajpn tnijawēty, ja y'ejx pya'tk mētēyēpē, mēti'ipē tso-jkēpēn ets tukniiwits tukniikäätsē.

**10.** Ko ja nija'awēn yapaaty ma tu'uk nokyēn ka'ap tmēpaaty tu'ukē'eyē jētu'un ta tnikäjpyxyēn ma myētētujk nipättēn ma ya'atē tēy'ajtēn kyajpxwā'kyxyēn, ja nija'awēn pen ka'ap tmēpaaty kwanē yak-moja'any pēn y'ëmētoopyēn.

Tiijaty mēpaat jam'ajtp ko yakkē'eyakēty ja nija'awēn ma it naaxwiiny

**11.** Ja kutuunkēty mēti'ipē pattēpēn pya'ixan pyatunantēp ko ja nija'awēn ma it naaxwiiny yakē'eyakēty wi'ix pyäaty nyitēkēn pēn ēnety y'ëmtoopyēn pen jap



yakpaaty. Pen ka'ap tii nija'awēn ma it naaxwiiny jētu'un ta pyäaty nyitēkēn, jā'ä yakkēmoja'any wi'ix ēnety jappēn.

**12.** Ja kutuunkēty mēti'ipē pattēpēn kwanē t'ëtsoowmpitta'antē pēn y'ëm-toopy pyëjktsoopyēn ja nija'awēn ma it naaxwiiny tsojk'am, ka'ap mēpaat tninaxy 30 xëew ko tuunk y'ity ma ēnety tē t'ëmtoyēn, o wāän tsojk pēn jētu'un ēnety tjakutuktē ma yē tēy'ajtēn mēti'ipē kē'ëm myēet'ajtēpēn.

**13.** Ko jyam'attēty oy tyiijēty ets jētu'un ta tēy'ajtēn tkajpxkëxē'ëkyēn, ja kutuunk mēti'ipē pattēpēn tpëjktsoy xëew po'o yakjakkēty ets t'ëtsoowmpittēty ja émt'ow pëjktso'owēn, kwanē ttuk'ëwaanēty nokykyëjxm pēn ēnety ja nija'awēn y'ëm-toopyēn ma tnikajpx tnimëtya'akētyēn tii ko jyeky jētu'un ta tnimëtyä'äkyēn ma myémamäjtsk nipättēn ma ya'atē tēy'ajtēn kyajpxwā'kyxyēn. Ya'atē jäjkēn ka'ap mēpaat tninaxy majkxëew ma tuunk pëky tnatuyo'oytyēn.

**14.** | Ko ja kutuunk mëti'ipë pattëpën ka'ap y'ëtsoompitety jëtu'un ta tnikäjpxyën ma myëmamäjtsk ets myëmajktékëe nipattën ma ya'atë têy'ajtëن kya-jpxwä'kyxyën, yë'ë yakpatunäämp jëtu'un ta jap tnikäjpxy ma myëmajtsknipattën ma ya'atë têy'ajtëن kyajpxwä'kyxyën 8.

**15.** | Ko ja kutuunk mëti'ipë pattëpën t'ëxajë tu'uk ja émto'ow pëjktso'owën ets ka'ap ja nija'awën tmëët'aty, yë'ë tsojk'am tyuk'ëwaanëjäämpy pën ènety émtoowëtëpën, ma nentu'un, pen yakkupëjktëp, ja kutuunk jap tmëët'atety ja nija'awë. Ja émto'ow pëjktso'owën jä'ä yaktuknäxaampy ja kutuunk mëti'ipë myëët'ajtypyën ja nija'awën, ets pën y'ëmtoopyën kwanë yaktuk'ëwaanëja'any.

**16.** | Ko ja nija'awën mëti'ipë yak'ëmtoop yakpëjktsoopën ka'ap nipën tmëët'aty o ka'anën yakja'ay yakpaaty, yaktukmëmëtya'akaamp nëëwity tu'uwwity ya'atë jottmay pën ènety y'ëmtoopyën ja nija'awën jëtu'un ta tnikäjpxy tnimëtyä'äkyën ma myëmamäjtsk ets myëmajktékëek nipät ma ya'atë têy'ajtëن kyajpxwä'kyxy.

**17.** | Ja nija'awën ma it naaxwiiny ka'ap ëjuuytyuky yakkë'ëyaka'any, xëmë ko ka'ap tjanikojtu'utety ok tkäjxwä'kxtëty. Ja tsyw ko nyikojtu'uty ets yakkäjxwä'kyxy jä'ä wyiin yak'ixaamp jënu'un ja kutuunk mëti'ipë pattëtëpën tpëjktä'aktë. Ya'atë tsyw kwanë naja'ayë ets mëtëyë y'itta'any ets wyiin yaktuk'ëwaanëja'any, ets pen mëti'ipë jyuyaampyën ja ja'ay émaay ëyow yakpaaty kwanë nentu'un yak'ixa'any pen

ka'ap ninu'un mëpaat tkujuy ets jëtu'unyë yakmo'ojetë.

#### Nëë tu'u wi'ix yakpa'ixa'anyen kë'ëmwin-ma'any

**18.** | Nitu'ukaty mëti'ipë tyuk'ijtëpën pyëjta'akäämpy tu'uk ok kanaak kutuunk ka'ap pën tpuutëkety ets kë'ëm tuuknii-pëjktakety wi'ix tyuna'any, mëëtjä'äkyë-jxm ko jyää'atety ets yak'ixëty oy ja tuunk ma tyaktety ja nija'awën ma it naaxwiiny, tpaa'ix tpaamëtowëty ja ènä'äm kutujkën, nentu'un t'ijx'ittëty, tpaa'ix tpaatunëty ets jyää'atety ja têy'ajtën ma yak'ix yakpaatëty ja nija'awën. Nitu'ukaty mëti'ipë tyuk'ijtëpën mëpaat tmo'oy, wi'ix pyäätyë, ja myëk'ajtën ets ja tjakutukety ja tëko'oyën jëtu'un ta pyääty nyitëketyën.



## Tëy'ajtën kyajpxwä'kyxy 6

JYAM'ATTËTY ETS YAKKÄ-  
JXWA'KXËTY JA NIJA'AWËN MA  
IT NAAXWIINY

**1.** | Nitu'ukaty mëti'ipë tyuk'ijtëpën pya'ixäämpy pyatunäämpy, mapaat myëta'äky, ko tu'uk tu'uk kutuunk mëti'ipë pattëpën tyakëxë'ëktëty, tjaaymyu'k tpëjkmuktëty, tpëjkta'aktëty ma mëpaat naax kajpn t'ixy tpaaty ets tyajkwa'kx tpëjkwa'kxtëty ja nijs'awën ma it naaxwiiny jëjp'ampë mëti'ipë yaktunantëpën tuknivits tuknikäätsë, tuunkjëjp'ixy, mapyäätyën, winjää wintsojk, ets ja'aykyujkën, ets wä'än xëmë tjaay'oy tjaaykyapxtë ya'atë nijs'awën, wä'än tpëjkwa'kxtë ja nijs'awën ma it naaxwiinyen ets ja xim ja yam yakpatëty. Nitu'ukaty mëti'ipë tyuk'ijtëpën kwanë mëk'ajtën tmoja'any wä'än nëëwity tu'uosity ttuntë tu'uk tu'uk kutuunk ma mëj naax mëj kajpnën.

**2.** | Yë kutuunkëty mëti'ipë pattëpën yakantëp, mapaat myëta'aktë, ja ijk nijs'awën mëti'ipë nyimëtyäkypyen ja it naaxwiiny ko wä'än ttuunpity, yakpayo'oy ets jyää'atëty wi'ix mëpaat yakpaa'ixy yakpaatunyen kanaaknax, wä'än twä'kyxy ets ka'ap yakjëpmëkajpxëty yë tyuunk jëtu'un ta nyiikutukën ma mëj kutuunkën.

**3.** | Nitu'ukaty mëti'ipë tyuk'ijtëpën ja mëj kutuunk myëët'atantëp tu'uk ok ka-

naak pëky wi'ixtsow tjakwa'kxa'antë ja niija'awën mëti'ipë nyimëtyäkypyen kä'pyxy ja it naaxwiiny, ma ttukmëpëka'antën:

- a)** ja noky ijxpäjtn ma yakpaatyen ja aaw ayuuk ets ja neeyjyä'äkyukë ma mëj it mëj naaxwiiny, nentu'un ja tëy'ajtën, ënä'äm ijxpäjtn ets ja kajpxkëxë'kën ma tëy'jtënyakpatuna'anyen ma ja it naaxwiiny;
- b)** ja nikäjpyxy nimëtyä'äky wi'ix yak'ix yakpaaty ja it naaxwiiny
- c)** jaapyety nokykyijxy tu'uk nyikutuunk niinu'un tmëët'attë ja kutujkën ets ja mëk'ajtën ma it naaxwiiny winma'anyen ets, pen mëpaat, tu'ukaty tmëët'attëty mëti'ipë wyintännëp;
- d)** jaapyety nokykyijxy maajaty it naax mëti'ipë yak "ëxëéktunyen, tii ëxëéktuump;
- e)** niija'awën wi'ixaty ja it naaxwiiny tyuunkpaaty ets wi'ix yak'ix'ity yakkwente'aty ets wi'ixaty yak'ëwataty;
- f)** nikäjpyxy nimëtyä'äky, pa'ijx payo'oyen ets nyikäjpyxy nyimëtyä'äky mëjwiin këjää, nyituunpäjtn ok pujxnwinma'anykyejxm ma it naaxwiiny mëti'ipë mëj ixpëjktakn pya'ijx pyayo'oytyepen, wä'än mëj kutuunk jyä'äjtypyen ok kë'ém jä'ä ajuuytyukpye, kunaax ok mëti'ipë wiinktsow yakpatpën;

**g)** wiinkëtypyë pa'ixj patu'unën mëti'ipë nentu'un nyikajpx nyimëtyaktëpën ko tyëkaty ets wyintëkoy ja xëëw po'o wä'än ja jot winma'any tuu'u'ukyë ets myëkpëky mëj wiin këjää ma ya'atë tuunkën;

**h)** nija'awën wi'ix ja tuunk pëky tyuyo'oy ma yaknijawën wi'ix it naax yakpaaty ets wiinkëtypyë tuunpajtn mëti'ipë tyuknìwitsëpën, ko pyaatëtety, ko t'ë'ix tjakutukety mëet ja nyikutuunk;

**i)** nikäjpyxy nimëtyä'äky jënu'un ja pu'uxm, mëti'ipëjaty ets, ko pyaatëtety tnikajpxëty tääts tkajpxkëxë'ekety wijtswä'kyxy pëjkwä'kyxy, maa it yakpaaty ets tii jëmëjt; ets

**j)** nija'awën wi'ixtsow kyutuky ets yaktuknipëky ja kumëto'ow kukëpäjtën ma ja it naaxwiiny winma'anyen.

Nitu'ukaty mëti'ipë tyuk'ijtëpën kwanë ko tkuuytyunëty ets oy tuknima'kxëtety ja nija'awën ma yë it naaxwiinyen kanaak pëky kanaak nax, wä'än t'ijxtë tkajpxtë tu'uk tu'uk ja'ay ets jyää'attëty wi'ix ja nija'awën myëjë kyëjääjë pujxnoty ets majaty it naax yakpaatyen, wi'ix ènety pyaaty tyukka'ayë.

**4.** Nitu'ukaty mëti'ipë tyuk'ijtëpën tkuuytyunëty ets jyää'atëty jaayypyety mä'kyxy wi'ixaty yak'ëxëetunyën ja poj, nëë, naax, naaxjoty, ets ma otyijjëty épëjk étu'unën mëti'ipë pattëpë tjanikutukety, mëti'ipë winjää wintsojk yajkjaay'oyëty ets xëmë myëjety kyëjääjëty ja nija'awën.

**5.** Nitu'ukaty mëti'ipë tyuk'ijtëpën pya'ixäämpy pyatunäämpy, ko muum tii kyëxé'ekety mëti'ipë naax kajpn y'ëxëetunäampyën ok yë it naaxwiiny, ko ja kuttuny mëti'ipë pattëpën tnikajpxa'any tnimëtyaka'any ja nija'awën pojyën xiit-sow yaatsow ma pe'tymy ja'ay nija'awën tpéketyën ets naax kajpn t'ixëty tijaty mëpaat tyuumpy ets ka'ap y'ëxëëktunëty ok yinë wäänë. Nitu'ukaty mëti'ipë tyuk'ijtëpën kwanë winma'any t'ixta'ajëty ets tpatunëty wi'ix mëpaat tsojk'am tni-ijjawëtë ets t'ëtuktëty ma tpëjktaka'antë tu'kë'eyë tuunpajtn ets jëtu'un tyunëty jyatëty.

**6.** Mëëtjä'äkyejxm ko ja'ay ets naax kajpn pojyën ja nija'awën tpékety mëti'ipë ëxëetunanätëpën, nitu'ukaty mëti'ipë tyuk'ijtëpën jää'ataamp, ko pyaatëtety, ko yë kutuunk mëti'ipë tuka'ajëpën t'ëëwa'kx tkajpxwa'kxëty ja nija'awën ma it naaxwiiny kanaak aaw kanaak ayuuk mëti'ipë ja'ay kyajpxtëpën ma mëj it mëj naaxën, ets tjak'oyëtety nokyëjxm kanaak pëky kanaak nax wi'ix mëpaat ja'ay tja'aykyukë.



**7.** | Nitu'ukaty mëti'ipë tyuk'ijtëpën tpëjktaka'any ja jyot myëjaaw ets tkäjxwa'kxa'any winjää wintsojk, ka'ap mëkoxx jämëjt nyaaxty, tu'uk noky ma tnikäjpx tñimëtyä'äketyen wi'ix ya'ixy yapaaaty ja y'it nyaaxwiiny, ma myina'anyen meti'ipë yaa yakajpxkëx'kpën:

- a)** nija'awën wi'ix yakpaaty ja it naaxwiiny ets tu'kë'eyë aay ujts, ma nentu'un tñimëtya'akety mëtsyo'owenkyejxm, pen jëtu'un tsoky ets pyaaty nyitëkety;
- b)** tuunk pëky mëjwiin këjää ma yakpatunety ja ènä'ämén tëy'ajtën ma yak'ijx'ity yakkwentë'aty ja it naaxwiiny;
- c)** tijjaty yak'ijxp yakpatp ma yapatunyën ja tëy'ajtën ma yaktukték yaktukwa'akë ja nija'awën; ets
- d)** tuunmujk kajpxmujkën mëet naax kajpn, kutuunk ets mëti'ipë épëky kë'ëm meeny kë'ëm winma'any tuuntëpën

Ja noky ma tnikäjpx tñimëtyä'äketyen wi'ix ya'ixy yapaaaty ja y'it nyaaxwiiny jä'ä yakja-ja'any wi'ix mëpaat tsojk yakja'aykyukë tii nyikäjpyxypy nyimëtyäkypy ets wi'ixtsow pojyën tpaatë yë ja'ayety, kanaak pëky kanaak nax ets yakkäjxwa'kxety xiitsow yaatsow wi'ix mëpaat tpaaty tu'uk tu'uk naax kajpn. Nitu'ukaty mëti'ipë tyuk'ijtëpën mëpaat twoowtsoy twijtsoy ja naax kajpn wä'än ttukkajpx ttukmëtyaakëtë ya'atë noky.

**8.** | Nitu'ukaty mëti'ipë tyuk'ijtëpën jyotmojäämpy ets tpa'ix tpatunety wiinkëtypyë wi'ix ènety ja tuunk pëky tja-tuyo'optyë wä'än t'ixtë tijjaty tyuunpäjtn'ajtëp ets ja ijxpäjtn mëti'ipë ènety tii yakkäjpyxypy'atyen, mëet jä'akyëjxm ja ni-



ija'awën yakpëkety pen mëtëy ets yaktuuntëp tijjaty ènety tii tnikajpxtë ma ja tuunpäjnën ma tu'uk ja mëj it mëj naax ets ja kuuuytu'unen mëti'ipë ènety tii tkupëktën mëet nyaax kyajpn ets mëjwiin këjää. Ja pa'ijx patu'unen kwanë jyam'atta'antë kanaak ja'ayety mëti'ipë tyuktëjk tyukwa'këtëpën.

**9.** | Nitu'ukaty mëti'ipë tyuk'ijtëpën pyatunäämpy ets jyää'attëty ja tukték tukwa'akë ma ja nija'awën ma it naaxwiiny yakpëky yakpaatyen pen tée yakyaky yaktukmëtooky, ok pen ajuuytyuky yakpaaty ok jam'ajtp ja noky ets ja nejya'aykyukë wä'än wiinkpë tjetuny ja it naaxwiiny oy jyap'aty meeny nepyutëkë, jëtu'un ta mëj tëy'ajtën tjakutukyën.

**10.** | Nitu'ukaty mëti'ipë tyuk'ijtëpën yakkokpëkäämpy pën ènety y'ëmtoopy pyëjktsoopyen wä'än ja tpëky tpaaty mëtëypyë ja nija'awën, ets kë'pyxypyë ma tñimëtyä'äkyen oy tsuj ja it naaxwiiny, wi'ix mëpaat tyuny ets wi'ix y'ëwinpitata'any ma juuky'ajtë, t'oytyuny wi'ix winë yak'ixy yakpaatyen oy juuky'ajtë mëet winkutsë'kën yë it naaxwiiny.

**11.** | Nitu'ukaty mëti'ipë tyuk'ijtëpën pyej-takäämpy ets jyaay'oyäampy winjää wint-sojk wi'ix tmëet'attën ja nija'awëñ ets wi'ix tukniwits tuknima'kxëtëñ ma yakpëkyëñ nija'awëñ ma it naaxwiiny jëtu'un ta ënä'ämëñ tnikäjpyxyëñ mëetjä'äkyë-jxm wä'än oy tsuj ets pojyëñ ja nija'awëñ yakpaaty.

**12.** | Nitu'ukaty mëti'ipë tyuk'ijtëpën jyä'äpëkäämpy ja patu'unëñ mëti'ipë tso-jkëpën, mëet tey'ajtëñ ets wi'ix jap tnimëtyä'äkyëñ ja tu'unëñ, nentu'un wiinkëtypyë, wä'än tjapatuny ja tuktëk tukwa'akë ma ja nija'awëñ ma it naaxwiiny mëti'ipë jap myëet'ajtëpën ja'ayëty kë'ëm win-ma'any kë'ëm meeny tuuntëpën, yë'ë mëti'ipë nyimëtyäkypyëñ tii tyuuntëpën ets tijiyat nëjlx tyunyë jyätyë ma ja'ay jyuuky'ajtëñ ets ma it naaxwiinyëñ.

**13.** | Nitu'ukaty mëti'ipë tyuk'ijtëpën pyut-tekjäämpy, mapaat myëtä'äkyëñ, wä'än ja noky ma tnikajpx tnimëtya'aktëñ tma-jts'ittëñ ja tyuunkëty mëti'ipë mëj ku-tuunk myëtuumpyëñ ets mëti'ipë kë'ëm wit kë'ëm meeny tuunpën mëjjëtypyë, wä'än tkajpxkëxé'ëktë wi'ixtsow naax kajpn tmëetuntë ets ja it naaxwiiny.



## Tëy'ajtëñ kyajpxwä'kyxy 7

NAAX KAJPN TTUKTËK  
TTUKWA'AKË KO YAKNIKÄ-JPYXY YAKNIMËTYÄ'ÄKY ETS  
NYIIKUTUKË TUUNK MA IT  
NAAXWIINY WYINMA'ANYËN

**1.** | Nitu'ukaty mëti'ipë tyuk'ijtëpën kwanë tkuuytyuna'any ja tey'ajtëñ wä'än may jyä'äy ets ja naax kajpn ttuktëk ttukwa'akë, ko jyëtu'un'atety, ja'ä nyetyuk-nipëkyë ets tkuuytyunëty wä'än t'ëwa'ats ets tu'kë'ëyë jaa'ay ttuktëk ttukwa'akë ma yaknikäjpyxy yaknimëtyä'äkyëñ it naaxwi-iny, wi'ix ja ënä'ämëñ kë'ëm jää' ets mëti'ipë wiinktsow tuumpën tnikäjpyxy.

**2.** | Nitu'ukaty mëti'ipë tyuk'ijtëpën y'ixäampy ets tyunëtety jyattëtety kanaak pëky kanaak nax wi'ix mëpaat may jya'ay naax kajpn ttuktëk ttukwa'akë ko yaknikä-jpyxy yaknimëtyä'äky ja tuunk, yakpa'ixy, yakni'ixë ok yakjaay'oyë yinaty wäänaty ja tuunk pëky, nentu'un ma wiinkëtypyëñ kajpyxy mëtyä'äky ma yak'ë'ix yakku-pëkyëñ it naaxwinma'any pen mëjwiin këjää y'oy'atta'any ma ye it naaxwiinyen, yaktukmëpëkë nentu'un ko ënety t'ëxëek-tuny ya juuky'ajtëñ.

**3.** | Nitu'ukaty mëti'ipë tyuk'ijtëpën pyatunäampy wä'ä may jyä'äy naax kajpn ttuktëk ttukwa'akë ma yaknikäjpyxy yak-nimëtyä'äkyëñ ja tuunk, yakpa'ixy, yak-ni'ixë ok yakjaay'oyë yinaty wäänaty ja tuunk pëky mëti'ipë yaknikajpxpëñ ma

myämäjtsk nipät ma ya'atë tëy'ajtëñ kya-jpxwä'kyxy, ma it naaxwiinyën mëti'ipë mëpaat naax kajpn nyija'awëep, jëtu'un ta ko yaktukniwits yaktuknikäätsë it naax ets ko y'oyë tu'unën pëjkëñ, winma'any tuknima'kx tuknipéktaakë, wi'ixtsow yak-patuna'anyen, ènääm patu'unën, mëti'ipë mëpaat yaktuk'oy'ajtpën ma it naaxwiiny.

**4.** | Nitu'ukaty mëti'ipë tyuk'ijtëpën jyä'apékäämpy ja patu'unën wä'än ttokpëky ets yë may jya'ay naax kajpn ttuktëk ttukwa'akety ko tsyo'ontä'äky ma më'eka'any yaknikäjpyxy yaknimëtyä'äky, wä'än ja ja'ay y'aaw y'ayuuk yak'ijxpaaty ets wä'än tputékë ya'atë tuunk pëky. Jëtu'un ta yaa yakja'aykyukëñ, Nitu'ukaty mëti'ipë tyuk'ijtëpën myo'ojaämämpy ja may jyä'äy naax kajpn, kä'pyxy, ma pyäätyën ets wi'ix mëpaat tja'aykyukëtëñ, ja nija'awën mëti'ipë kyuuytyunëpën ja tëy'ajtëñ ets ttuktëk ttukwa'akety ma yaknikäjpyxy yaknimëtyä'äkyen.

**5.** | Ja nëë tu'u wi'ix ja may jyä'äy naax kajpn ttuktëk ttukwa'aketyen jä'ä pyamayäamp xëëw po'o mëtëyë ets jam'attëty wä'än ttuk'ëwäänë may jyä'äy naax kajpn ets wä'ää ttuktëk ttukwa'akë jëtu'un ta pyäätyën.

**6.** | Ja may jyä'äy naax kajpn jä'ä yaktukmëmëtyaka'any kä'pyxy, ma pyäätyën ets wi'ix mëpaat tja'aykyukëtëñ, wi'ixtsow ènety të tjakokpëktëñ, ma nentu'un tpëjkata'antëñ nokyëjxm, pujxnoty ok kä'jpyxy mëtyä'äky, jëtu'un ta xëmë nija'awën yakpëkyen, npëjktakmëty ma:

**a)** wi'ix yakja'aykyukë ja nija'awën mëti'ipë ènety të yaknikäjpyxy të yaknimëtyä'äkyen ma it naaxwiinyën, ets, ko pyaatëtëty, mëët aaw ayuuk wi'ix mëpaat yakwinmëtoyën;

**b)** ja kutuunk mëti'ipë pattëpën tjatu-yo'oy ma yaknikäjpyxy yaknimëtyä'äkyen ets wiinkëtypë kutuunkëty mëti'ipë tyuk-tëjkëtëpën;

**c)** Ja nëë tu'u wi'ix ènety të yak'ë'ixen wä'än may jyä'äy naax kajp ttuktëk ttukwa'akë, ma jyap'attëtyen jëna'a tsyo'ontä'äky ets jëna'a kyixy, kanaak pëky kanaak nax wi'ix ènety té yak'ë'ixen ets mëpaat may jyä'äy naax kajpn ttuktëk ttukwa'akë, ets, ko pyäätëtëty, ja naax kajp ets ja xëëw po'o jëna'a ènety yaktë'ëwë ok nimëtyä'këñ tyuna'anyë; ets

**d)** ja kutuunkëty mëti'ipë naax kajpn nyitënääpyen ets ttuktëk ttukwa'akëtë ko ènety yak'ëmëtowa'antë nija'awën wi'ix të yaknikäjpyxy të yaknimëtyä'äky ja it naaxwiiny, ets ja nëë tu'u wi'ix mëpaat ja nija'awën yak'ëmtoy yakpëjktsoy.

**7.** | Ja may jyä'äy naax kajpn ja tyiy'ajtëñ ets ttuktëk ttukwa'akëtëty ja tuunk oëky ma yaknikäjpyxy yaknimëtyä'äkyen



ja it naaxwiiny, jap'ataamp ja ëwa'ats'ajtén ets tkajpxkëxé'ëktety tijaty ënety jap y'ijxtép pyattép, jëtu'un ta ja käjpyxy mëtyä'äky tyuyo'oyen. Ka'aném ënety yakwits'oye tii ënety tē yaknikäjpyxy tē yaknimëtyä'äkyen, ja kutuunk mëti'ipé naax kajpn nyitënääpyen ets pattépén kwen-tépékäämpy tii ënety yak'ijxp yakpatp pënaty tē ttukték tē ttukwa'akétén.

**8.** | Nitu'ukaty mëti'ipé tyuk'ijtépén kyuuytyunäämpy jä'ä koo, ko ënety yak'ëxaj yakkupéky mëti'ipé kokpëjkpén, ja may jyä'äy naax kajpn oy mëtëy yaktukmëmëtyakantép kä'pyxy mëet y'ëjx pya'tk, nentu'un wi'ix ënety tē yakkwennépékyn ja y'aaw y'ayuukëty. Ja käjpyxy mëtyä'äky mëti'ipé kokpëjkpén mëpaat oy pyënety t'ixy tpaaty.

**9.** | Ko yakkäjxwä'kyxy tijaty ënety tē kyokpëkyen mëti'ipé nikëxëkaampén ma it naaxwiinyen ets ma wiinkëtypyé käjpyxy mëtyä'äky kyokpëkyen ja it naaxwiiny ma may jyä'äy naax kajpn ttukték ttukwa'akén jä'ä yakkajpxwakxa'any mëtëyé, ma nyé-jkxa'anyen nokyéjxm, pujxnoty ok käjpyxy mëtyä'äky, jëtu'un ta xëmë nija'awén yakpëkyen, oy ets tsojk. Ja nija'awén mëti'ipé yakkäjxwa'kxpén myënëjkxäämpy nentu'un ja nëë tu'u mëti'ipé ënety tē yak'ixyén ets ja may jyä'äy naax kajpn mëpaat ja tuunk pëky ets ja tëy'ajtén mëtëyé tjatuunkpaatety.

**10.** | Nitu'ukaty mëti'ipé tyuk'ijtépén tpë-jktaka'any aaw ayuuk mëtëyépë wä'än ja

may jyä'äy naax kajpn ma tnikajpx tñimëtya'aktén ets tii winë kyokpëky ma it naax winma'anyen tpaatety jëtu'un ta ja naax kajpn, ja wit meeny, ma'ayen tajén, ja it naax ets pen ye'eytyéjk to'oxytyéjk ja may jyä'äy.

**11.** | Ko ja may jyä'äy naax kajpn mëti'ipé ënety ëxëektuunépén nimay tkajpxtë épëky ets wiinkëtypyé aaw ayuuk mëti'ipé akats kyajpxtëpén, ja kutuunk mëti'ipé nyitënääpyen naax kajpn kyuuytyunäämpy wä'än tja'aykukëté ets ttukték ttukwa'akétë.

**12.** | Nitu'ukaty mëti'ipé tyuk'ijtépén pyatunäämpy, jëtu'un ta pyäätyen ets wi'ix ënety ja tëy'ajtén ma mëj it mëj naaxén, wä'än may jyä'äy ttukték ttukwa'akétë ma yaknikäjpyxy yaknimëtyä'äkyen mëjwiin këjää yé it naaxwiiny ok mëti'ipé tuunépén jajtépén ma it naaxén, jëtu'un ta kutujkén tnikäjpyxyen ma ënety kajpyxy mëtyä'äky tyuyo'oy. Nentu'un, yakpatunaamp, jëtu'un ta pyäätyen, wä'ä may jyä'äy naax kajpn ttukték ttukwa'aké ma mëj naax mëj kajpnén ma mëjwiin këjää yaknimëtyaka'anyen ja it naaxwiiny.

**13.** | Nitu'ukaty mëti'ipé tyuk'ijtépén jyot-mojäämpy ets jyam'atety ëwa'ats'ajtén ma mëpaat yaknikäjpyxy yaknimëtyä'äky ja it naaxwinma'any ok wi'ix mëpaat oy yaxon tyuny jääyëmpé, ma nentu'un wiinkëtypyé ja'ay nentu'un ttukték ttukwa'akëtety. Nitu'ukaty mëti'ipé tyuk'ijtépén pyatunäämpy wä'ä tjamëjpëjktä'äky ja ni-

ja'awēn mēti'ipē yakmēēt'ajtpēn ma naax kajpn, ja käjpyxy mētyä'äky ets ko jaxim ja-yam ja winma'any yakpējktä'äky, ko pyää-tyë.

**14.** | Ja kutuunkety mēti'ipē naax kajpn nyitēnäääpyen tuunmukkantep ets t'ijxpa-ta'antë ets tputeka'antë ja'ayety ets may jyä'äyety mēti'ipē émaay yakpattépēn wä'än ttukték ttukwa'akëtë mëet win-ma'any, et soy yakxon ma tuunpäjtnën. Jëtu'un ta yaa yakja'aykyukën, yakpama-yaamp wi'ixtsow mëpaat oy ja nëe tu'u, wä'än tjää'aty ttukték ttukwa'akë.

**15.** | Ma yakkuuytyunyën ya'atë Nej-ya'aykyukë, Nitu'ukaty mēti'ipē tyuk'ij-tépēn pyatunääämpy ja winkutsë'kyën ma ja mëj tøy'ajtënyaax kyajpnën ets tijaty pattépēn ttunëty mēti'ipë jyä'äkyujkëpen ja ayuuk naax ayuuk kajpn.

**16.** | Ja kutuunk mēti'ipē naax kajpn nyitēnäääpyen tuunmukkaamp ets t'ijx-



pata'any may jyä'äy naax kajpn mēti'ipē éxéektuunépēn ka'oytyuunépēn tuunk pëky mēti'ipē myëtëkoopyen mëjwiin këjää yë it naaxwiiny, ets pyatunääämpy tuunk pëky wä'än ttukték ttukwa'akëtë.

**17.** | Mëti'ipē yakja'aykyujkëpēn ma kä-jpyxy mëtyä'äky tyuyo'oyen ets kyokpëky ma it naax winma'anyen jap tnikäjpyxy ma myëmäjtsk nipätt ma ya'atë tøy'ajtënyajpxwä'kyxy, yakkajpxwa'kxaamp oy jë-nayë'ë'ajty ya'atë nija'awën:

**a)** ja jaaykyëxë'kën ja naax wi'ix y'ix'atyen ets wi'ix yakja'aykyukën mëti'ipë miimpën ma ja tuunk pëky yaknikajpxpën jaaypye-ty;

**b)** ja jaaykyëxë'kën wi'ixaty jyata'any kyëpätta'any ja it naax ma ja tuunk pëky tyuyo'oy ets, wi'ix tpaaty, wi'ix nyenyipa-tpäta'anyë;

**c)** ja jaaykyëxë'kën tijaty yaktunaamp wi'ixety ènety jyäty kyëpety ja it naaxwiiny;

**d)** tu'uk jaaymyujkën ma tñimëtyä'äkyën a), b) ets c) ma ya'atë myëmamokxmäjtsk nipättën mëet aaw ayuuk ka'ap tsyipëty ets mëpaat yakja'aykyukë;

**e)** ja jaaykyëxë'kën ets wi'ixaty ènety ja nyikutuunk të tjakutuky ets yaktuknikexy yë kutuunkety mëti'ipë naax kajpn nyitēnäääpyen ma tñimëtyä'äkyën ja tuunk pëky mëti'ipë yaknikajpxpën;

**f)** ja jaaykyëxë'kën ma pujxn tuunpäjtn tkajpxpaatyën mëti'ipë mëpaat tuunpën ets ja it naax épëky ma ja tuunk pëky tyu'oyä'änyën ets yakpaa'ixa'any, ko ènety jyap'aty ja nija'awën kë'ëjoty; ets

**g)** ja kanaak pëky ja tuunk mëti'ipë pyaa'ijxy pyayo'oypyen ma yakpatun-yën ets tii ènety yakpëjkp yakpatp ko yakkuuytyuny ja nija'awën wi'ixaty ènety t'ëxëëktuna'any ja it naaxwiiny.

Ja nija'awën mëti'ipë yaknikajpxpën yaa jä'ä yakpëjktaka'any wä'än may jyä'äy naax kajpn tpëky tpaaty nanenyamo'oje, jëtu'un ta jap tnikäjpyxyen ma myëmajkmä-jtsk nipätt ma tëy'ajtëñ kyajpxwä'kyxy 5 ma ya'atë Nejya'aykyukën.



**a)** oy tyijiety ènety të kyokpëky, tuunk ok kyaya'ixy ma yaktukték yaktukwa'akë ja nija'awën ma it naaxwiiny;

**b)** oy tyijiety ènety të kyokpëky, tuunk ok kyaya'ixy mëti'ipë y'ëntijpyen ma may jyä'äy naax kajpn ttukték ttukwa'akë ja käjpyxy mëtyä'äky ets kyokpëky ma it naaxwima'anyen; ets

**c)** oy tyijiety ènety të kyokpëky, tuunk ok kyaya'ixy mëti'ipë y'ëxëëktuumpye ok tso-jk t'ëxëëktunety mëjwiin këjää ja it naaxwiiny ok tmëetekoyety ja tëy'ajtëñ mëti'ipë kyuuwa'anypyen ja it naaxwiiny.

**3.** | Ko tyunëtety jyatëtety ja tëy'ajtëñ ma yaktukték yaktukwa'akë kanaak pëky kanaak nax ma it naaxwinma'anyen, Nitu'ukaty mëti'ipë tyuk'ijtëpën, wä'ä tkwenn-tëpëky wi'ix ènety jam yakpaatyen, myëeta'täämpy:

**a)** épëky nyikutuunk ma tu'uk mëj naax mëj kajpn mëet mëk'ajtëñ ets ttukték ttukwa'akety ja nija'awën mëti'ipë it naaxwiiny nyimëtyä'äkypyen;

**b)** nëë tu'u oypyë, mëtëyëpë, ma may jyä'äyën naax kajpn, oy pyënetë t'ixëty, ka'ap pën tpukajpx tpuwa'akety ets yak'ëkajpxtukety tsyow;

## Tëy'ajtëñ kyajpxwä'kyxy 8

### TTUKTËK TTUKWA'AKË TËY'AJTËÑ MA IT NAAXWINMA'ANYËN

**1.** | Nitu'ukaty mëti'ipë tyuk'ijtëpën y'ixäämpy ets tyunëtety jyattëtety ja tëy'ajtëñ jyam'attëty ma it naaxwiiny wyinma'anyen jëtu'un ta pyäaty nyitëketyen ma ja kajpyxy mëtyä'äky tyuyo'oyen.

**2.** | Nitu'ukaty mëti'ipë tyuk'ijtëpën ya-jam'attäämpy, jëtu'un ta mëj tëy'ajtëñ tjakutukyën, wä'än ttukték ttukwa'akëtë mëti'ipë tëy'ajtëñ pyatuuntëpën ets t'ëka-jpxtukkety ets tpanëjkxety, nyë'p pya'tk jë-tu'un ta nëë tu'u pyäatyen:

c) yakmëjpëjkta'akety mëjwiin këjää ko y'ix'ijtypy kwentë'ajty yë it naaxwiiny, jëtu'un ta tëy'ajtëن t'ëne'emyen;

d) jyam'attëty panëjkx patu'unen ko ts-yokëtëty ets, kanaak pëky kanaak nax tyuunk, wä'an t'ëtuky, tjamoonkëtä'äky, tjakyu'unk tjaknaxymyë ok tkëpätëty ja têko'oyen ma it naaxwiinyen;

e) panëjkx patu'unen wä'an pojyën tjak'ijxmaty jënu'un wyintëkoyä'an ja it naaxwiiny, ko pyaatëtëty ets yakpatunëty, jëtu'un ta nyipëtsëmë ja nepyutëkë wä'an tja'ijxmaty ets ko ënety yak'ijxmaty jëtu'un ta tëy'ajtëن tjanikutukëن;

f) kanaak pëky kanaak nax jyää'attëty wi'ix yaktunëtyen ets yakpatunëtyen tiijaty ënety të kyokpëky tëy'ajtënyéjxm jëtu'un ta ënety pyäätyen; ets

g) kanaak pëky kanaak nax jyää'attëty wi'ix tja'oyä'anyen, ta pyäätyen, jëtu'un ta tpëjktëkatsëtyen ko ënety të tjawintëkoy, tja'ë'oyëty, tniiyakety ok tkujuyety meen-kyëjxm ja pyoky, wä'an ttukjotkujk'aty, wä'an tkupëky ko ka'ap jatëkok jëtu'un jëkjattanë, wä'an tpuutëkë ja'ay pëne-ty ënety të t'ëxëektuny ets ja tuunpäjtn meenkyëjxmwinma'any tputëkety wä'an tkëpety.

4. | Ko pojyën yaktuktëk yaktukwa'akety wä'a ja may jyä'ay naax kajpn tnijawë tëy'ajtëن, Nitu'ukaty mëti'ipë tyuk'ijtëpën pyëjka'akäämpy:

a) panëjkx patu'unen wä'an t'ëyin t'ëwäänen ok tkutëkoy ja ëtujkën ko tyuunkpaaty ja tëy'ajtëن;

b) pujxn ets winma'any wi'ixtsow wa'kxa'anyen ja nija'awen ma tëy'ajtëن yaktuktëk yaktukwa'akën ets yakpatunëty nëewity tu'uwity;

c) kanaak pëky kanaak nax ma yak-jaamyuky ets yakkäjxwä'kyxy tiijaty kokpëjkp tëy'ajtënyéjxm wi'ix énety pyäätyen; ets

d) wä'an ttunuy kanaak aaw kanaak ayuuk ets yakkajpxnaxëty tjakniwij tjakni-käjety yë akats ayuuk ko koo tpaatëty ets tääpë tëy'ajtëن yakpatunëty.

5. | Ko oy yakpatunëty ja tëy'ajtëن ma yaktuktëk yaktukwa'akën kyuuytyu'unen, Nitu'ukaty mëti'ipë tyuk'ijtëpën t'ixa'any tpatuna'any tiijaty yë ja'ay ok may jyä'ay tsyojkypy mëti'ipë émaay ix'am yakpat-tëpën ma yakpëjktaka'anyen kanaak pëky kanaak nax ja nepyutëkë, nentu'un ma nija'awen tpëktëtyen wi'ix mëpaat nye-kyuwa'anetëen ka'ap y'ëjuuytyukyëty, wi'ix ënety pyäätyen.



**6.** | Nitu'ukaty mëti'ipë tyuk'ijtëpën y'ixäämpy tyunääpy ets jam'attëty ko ënety tjakutuky ja tëy'ajtëن ets wi'ixtsow tyuy'oyääny ja it naaxwiiny winma'any, nentu'un ja nyimëtyääky, yakpaatëty jaaypyety.

**7.** | Nitu'ukaty mëti'ipë tyuk'ijtëpën pyatunäämpy kanaak pëky kanaak nax winma'any mëti'ipë yak'oyëpën ja ëmay jotmay ma it naaxwiiny wyinma'anyen, ma ënety tyu'uwlityen, jëtu'un ta ko yakkajpxë, nyekyupëkëtë ets wiinkëtypë mëti'ipë yëtukëpën ok kyajpx'oyëpën tääpë ëmay jotmay.

## Tëy'ajtëن kyajpxwä'kyxy 9

PËNETY Y'IX'IJTYPY KWENTË' AJTY JA'AY TYIY' AJTËN MA IT NAAXWIINY WYINMA'ANY

**1.** | Nitu'ukaty mëti'ipë tyuk'ijtëpën y'ixäämpy ets tyunëtëty jyattëtëty jyam'attëty ma ja'ayëty, mëti'ipë tu'ukmukyë tuuntëpën ko t'ix'it tkwentë'attë ja ja'ay tyi'y'ajtëن ma it naaxwiiny winma'anyen et soy tsuj ja tyuunk tjatuyo'oytyëty, ka'ap pën kyajpx'ëtsë'ëkëtëty, kyajpx'ëtukëtëty ok ka'ap akujk jotkujk yakpaattëty.

**2.** | Nitu'ukaty mëti'ipë tyuk'ijtëpën pyatunäämpy jëtu'un ta pyäätyen ets t'ijxpatëty, tkwentë'attëty ets tjatuunkpaatëty tu'ke'ëyë ja ja'ay tyi'y'ajtëن ma it naaxwiiny winma'anyen, nentu'un ja tëy'ajtëن ma

jyuuky'ajtëن, ma jya'ay'ajtëن, ma ma'ayëن tajjëن ets ja aaw ayuuk, tëy'ajtëن ma tu'ukmukyë ets tputëk tpuuwa'akëty ets tëy'ajtëن wään oy jotkujk tnaxy ttékë, nentu'un ja mëk'ajtëن mëti'ipë myëët'ajtypyë ets tii ttuktëk ttukwa'akëty, ma nentu'un tpmayëtyë ets tam tuunk tmëët'aty mëët nitu'ukaty mëti'ipë tyuk'ijtëpën ma ja'ay tyiy'ajtëن winma'anyen, ma y'ëjx pya'tkëن ma mëj tëy'ejtëن ets mëti'ipë jap jëjp'am yakkajpxkëxë'kpëن mëti'ipë yakpatuum-pëن.

**3.** | Nitu'ukaty mëti'ipë tyuk'ijtëpën pyatunäämpy jëtu'un ta pyäätyen, kä'pyx yaxon ets ma ttsokyëن wään tkuwa'any, tpayo'oy ets ttukkumëtoy pënaty nii-pëtë'këpëن, kajpx'ëtsë'këpëن ok winka-jpx jëpkajpxëpën yë ja'ayëty mëti'ipë tëy'ajtëن pya'ijx pyatuuntëpën ko pën tkawinkutsëka'antëty tu'ke'ëyë tëy'ajtëن mëti'ipë yaknikajpxpëن ma ya'atë Nejya'aykyukëن.

## Tëy'ajtëن kyajpxwä'kyxy 10

TYU'UKMUKY JA MËK'AJTËN

**1.** | Wään tjatuktëk tjatukwa'akë ets yakkuuytyunëty jënu'un yaknikäjpyxyëن ma ya'atë Nejya'aykyukëن, Nitu'ukaty mëti'ipë tyuk'ijtëpën tkupëky ets tjatu'ukmuka'any ja myëk'ajtëن ma nyaax kyanjpnëن, ma tpëjktaka'anyen jëjp'am ets mëti'ipë tim tsojkëpëن

**2.** | Nitu'ukaty mëti'ipë tyuk'ijtëpën, wi'ix énety mëk'ajtëñ tmëët'aty, mëpaat ttuny kanaak pëky, tu'unén mëti'ipë yaa yakni-kajpxpën:

- a)** tyukni'ixaämpy ets tmoja'any ja ixpëjkëñ ma yaktuktëk yaktukwa'akëtë tëy'ajtëñ ma it naaxwiiny yë kutuunkëty ets mëti'ipë naax kajpn myëtuuntëpën;
- b)** yak'oyantëp ets myëkmo'ojantëp tuunk tukniwits tuknikäätsë ma ja'ay ets naax kajpn tja'aykyukëtëty yë tëy'ajtëñ ma it naaxwiiny ets tëy'ajtëñ ma ja'ay ets naax kajpn ttuktëk ttukwa'akëtë, naaxmëtuun kajpnmëtuuntepën mëët tëy'ajtëñ, ets wi-inkëtypyë kutuunk mëti'ipë ja'ay tyiy'ajtëñ tyuunk'ajtëpën;
- c)** myo'ojantëp yë nyikutuunkëty mëti'ipë pattëpën ja tuunpäjtn ets wit meeny mëti'ipë tsojkëpën;
- d)** pyatunäämpy ets jyää'attëty ixpëjkëñ, ttukni'ixa'any ja tuunk ets oypyë ja jot winma'any ma yaknimëtyä'äkyëñ it naaxwiiny, kanaak pëky, jëtu'un ta jyap'attëty ja nija'awëñ mëti'ipë mëpaat ixpëjkpëtëjk tjattë ma kanaak nipätt ixpëjkëñ;
- e)** myëët'atääämpy tukniwits tuknikäätsë mëëtpë ja'ay ok may jyää'äy mëti'ipë émaay yakpattëpën, ets kanaak aaw kanaak ayuuk yakkajpxnaxëty tjakniwij tjaknikäjëty yë akats ayuuk ko koo tpaatëty;
- f)** tmëjpëjka'akëty ko jëjp'am yakpaattë ja'ayëty mëti'ipë tu'ukmuky tuuntëpën

ets tkajpxwa'kxtë ja tëy'ajtëñ ko ttuktëk ttukwa'akëtëty ja ja'ay naax kajp; ets

**g)** tmëkmo'otëty ja tyuunk pyiky ets tpëjkum ttuunmuktëty, tmëët'attëty ets tpa'aix tpaatuntëty ja nija'awëñ ma it naaxwiiny.

## Tëy'ajtëñ kyajpxwä'kyxy 11

### AKO'ON AYAJKËN

**1.** | Nitu'ukaty mëti'ipë tyuk'ijtëpën ako-nan ayakantëp wä'än tmëktä'äktë jënu'un tyuunk twintänë ma nyaax kyajpnëñ mëët jääkyëjxm ko tpatuna'any ya'atë Ne-jya'aykyukë jëtu'un ta pyäätyën.

**2.** | Nitu'ukaty mëti'ipë tyuk'ijtëpën yë'ë ni'ik y'ixantëp ets jyotmo'ojantëp mëj naax mëj kajpn mëti'ipë étyä'äky'äämy winpäj-tpëñ, mëj naax mëj kajpn mëti'ipë ka'ap tmëët'atyëñ mëj nëëpa'a ets mëti'ipë mëjnëë'akujky yakpatpën jam América Latina y el Caribe.



**3.** | Wi'ix énety wyintu'upëky ja myémäjtsk nipätt ma ya'atë têy'ajtëن kya-jpxwä'kyxy, Nitu'ukaty mëti'ipë tyuk'ijtëpën pyaatunantëp ja tuunk pëky ets ja kanaak pëky kanaak nax jëtu'un ta:

- a)** käjpyxy metyä'äkyen, ttuknax ttuktékety wiji jyä'äy, nepyutékë wi'ixtso tii yaktuna'any, ixpëjkën ets paa'ijx patu'unen;
- b)** winpäjtëن, nemyooytyékahtsën ets patu'unen ja tuunpäjtn ets winma'any ma ixpëjkën, wijen käjën ets jää y'ittëty éwa'ats'ajtëن;
- c)** nemyo'oyen jaxim jayam ja nija'awen mëti'ipë nyimetyäkypyen wi'ix mëpaat nja'ay'ajtëm, nëë tu'u, oypyë tsujpë tuunk; ets
- d)** kutuunk, kuwinma'anytyéjkëty ets tuunpäjtn ijxpäjtn ma yakpaatëtyen tuumpékanaak pëky ets tjotmo'otëty tuunk jëjp'ampë tuunmuky.

**4.** | Nitu'ukaty mëti'ipë tyuk'ijtëpën jyotmojäämpy ets jyam'atëty tuunmujkën mëët kutuunkëty mëti'ipë wiinktsow wiinknaax tso'ontëpën, kutuunk mëti'ipë mëët tyuntëن, ixpëjtakn ets éjuuytyukypyë, nentu'un mëët ja'ayëty mëti'ipë neemya'kxëtëpën ets wiinkëtypë mëti'ipë kyuuytyunantëpën ya'atë Nejya'aykyukë.

**5.** | Nitu'ukaty mëti'ipë tyuk'ijtëpën y'ijxpattëp ko yakpatunaamp ja ako'on ayajkën ets nemyo'oyen jaxim jayam ja nija'awen

mëti'ipë nyimetyäkypyen tu'ke'eyë wi'ixa-ty nyenyikëxë'äkyë mëti'ipë y'ëxëektuum-pyen ja it naaxwiiny.

## Têy'ajtëن kyajpxwä'kyxy 12

MA NYIPETY TYU'UKMUKYËN  
JA NIJA'AWËN

Nitu'ukaty mëti'ipë tyuk'ijtëpën myëët'atantëp tu'uk it ma tnipëjkpätta'antëن ets nyemyoja'anëtëن jaxim jayam ja nija'awen pujxnoty et soy pyënenety tpëkkëty tpaatëty ma ja têy'ajtëن ko yaktukték yaktukwa'akë. Ya'atë it yëë Comisión Económica América Latina y el Caribe wyintänëjäämpy, ko tyuny Secretaría, ets mëpaat tpëjkta'akëty nëë tu'u ma têy'ajtëن, wi'ixtsow yakpaata'anyen ets nyikäjpyxy nyimetyä'äky, wi'ix yakwentë'ata'any ets oypyë ja tuunk pëky, ets wiinkëtypyë.

## Têy'ajtëن kyajpxwä'kyxy 13

KUUUTYU'UNËN MA MËJ NAAX  
MËJ KAJPNËN

Nitu'ukaty mëti'ipë tyuk'ijtëpën, wi'ixëty ya'ix yapaatëن ets tiijatyëty pyëjktakkëp jëjp'am ma myëj naax myëj kajpnën, tkupëky ko tkuuytyuna'any ja tuunk pëky ma nyaax kyajpnën mëti'ipë pattëpën tkuuytyunëty ma ya'atë Neejya'aykyukë.

## Tëy'ajtën kyajpxwä'kyxy 14

### AKO'ON AYAJKËN NEPYUTËKË

1. | Jä'ä yakkajpxwë'ëmy tu'uk Ako'on Ayajkën Nepyutëkë ets tputékety meenkyejxm ja tu'unén pëjkën ma ya'atë Neejya'aykyukë, yë nepyutëkë meenkyejxm yë'ë Nitu'ukaty mëti'ipë tyuk'ijtëpën Kyutuunk y'ixan tyunantëp.

2. | Nitu'ukaty mëti'ipë tyuk'ijtëpën mëpaat t'eyak t'ékonëtë ets tpuutéketylty wä'ä tjapatuny ya'atë Neejya'aykyukë.

3. | Nitu'ukaty mëti'ipë tyuk'ijtëpën Kyutuunk, jëtu'un ta jap tniikäjpyxy tñimetyä'äkyën ma myékoxnipatën ja noky g) ja tëy'ajtën kyajpxwä'kyxy 15 ma ya'atë Neejya'aykyukë, mëpaat twoy twity wiinkëtypë nepyutëkë wä'än tputék ttukxajë ya'atë tuunk pëky ma ya'atë Neejya'aykyukë

## Tëy'ajtën kyajpxwä'kyxy 15

### NITU'UKATY MËTI'IPË TYUK'IJTËPËN KYUTUUNK

1. | Yakkajpxwë'ëmy tu'uk Kyutuunk Nitu'ukaty mëti'ipë tyuk'ijtëpën.

2. | Yë Secretario Ejecutivo de la Comisión Económica para América Latina ets Caribe wowaamp witsaamp ma myëtu'uk netyu'ukmu'kën mëët ja Nitu'ukaty mëti'ipë tyuk'ijtëpën Kyutuunk kom

jëtu'kjëmëjt ko ya'atë Neejya'aykyukë tyuuntékety. Ko jää, täats netyu'ukmukë y'ita'any mëët Nitu'ukaty mëti'ipë tyuk'ijtëpën Kyutuunk winjää wintsojk wi'ix éne-ty tjakutuky ja Kyutuunk.

3. | jyää'atta'any neetyu'ukmukë yë Kyutuunk Nitu'ukaty mëti'ipë tyuk'ijtëpën ko jëtu'un tjakutukety.

4. | Ma myëtu'uk neetyu'ukmukën, Nitu'ukaty mëti'ipë tyuk'ijtëpën Kyutuunk:

a) yakpëtsëmäämpy ets kyupëkäämpy mëët nimay'it ja énä'ämën wi'ix tyuuyo'yyä'änyën, ma nyéjkxa'anyën nentu'unwi'ixtsow maatsow ja mayjyä'äy naax kajpn ttuktékëja'anyën; ets

b) yakpëtsëmäämpy ets kyupëkäämpy mëët nimay'it wi'ix énety yakpaaty ja wit meenywyinma'any mëti'ipë tsojkëpën ets yakkuuytyunety ya'atë Neejya'aykyukë.

5. | Nitu'ukaty mëti'ipë tyuk'ijtëpën Kyutuunk pyaa'ixäämpy ets pyatunäämpy wä'än tjakuuytyuny oy mëtëyë ya'atë Neejya'aykyukë. Jëtu'un ta yaa yakja'aykyukën:



- a)** a) pyëjcta'akääämpy kajpxmuky wyiin ja kutuunk mëti'ipë wit meeny tyukniwitsë-jääämpyën jënu'un ënetty tsokyë ets ya'atë Nejya'aykyukë yakkuuytyunëty;
- b)** yëxajääämpy ets pyaa'ixääämpy ja noky ma tnikäjpyxy tñimëtyä'äkyën tijaty mëpaat yaktuump jëtu'un ta tnikäjpyxyen ja kutuunk mëti'ipë wit meeny yäjkypyen;
- c)** yaktukmëmëtyakaamp Nitu'ukaty mëti'ipë tyuk'ijtëpën tijaty ënetty jap yakwennëpëjkpën ma yakkuuytyuna'anyen ya'atë Nejya'aykyukë;
- d)** mëpaat tkajpxpaaty mëti'ipë tëkye-jpyen yakpatunëpën ma Nitu'ukaty mëti'ipë tyuk'ijtëpën wään tjakpëjtä'äky ma ya'atë Nejya'aykyukën;
- e)** yak'oyaäämpy ets kyupëkäämpy, pen najxp, ënääm patu'unen ma ya'atë Nejya'aykyukën wään tjawinkeety tñatukxa-jë, tñapaa'ixy pen oy, yakupëky ets yaktukmëpëkë;
- f)** pya'ixääämpy ets kyupëkäämpy ja winma'any mëti'ipë jyaay'oyaampyen ya'atë Nejya'aykyukë, jëtu'un ta tnikäjpyxyen ma tëy'ajtën kyajpxwä'kyxy 20 ma ya'atë Nejya'aykyukë;
- g)** pyëjcta'akääämpy nëe tu'u ets wi'ixa-ty tyu'uwitstsa'any tyuyo'oyä'any ja wit meeny ets oy kyameenyëty, mëti'ipë tso'ompën oy myaajëty ets yakkuuytyunëty oy ya'atë Nejya'aykyukë;
- h)** pya'ixääämpy ets yëxajääämpy oy myë-ti'ipëty winma'any mëti'ipë tsojkëpën ets yak'ix yakpaatëty ya'atë Nejya'aykyukë; ets

**i)** tyunääämpy oy tyii oy myëti'ipëty wi-inkpë tuunk mëti'ipë ya'atë Nejya'aykyukë ttuknipëjkpën.

## Tëy'ajtën kyajpxwä'kyxy 16

TËY'AJTËN ETS KYË'Ë TYU-KONËTY

Nitu'ukaty mëti'ipë tyuk'ijtëpën ya'atë Nejya'aykyukë mëpaat kyë'ë tyujkony.

## Tëy'ajtën kyajpxwä'kyxy 17

NOKYTYUUNTAKN

**1.** | Ja El Secretario Ejecutivo de la Comisión Económica para América Latina y el Caribe yë'ë tyunäämpy nokytyuunk ma ya'atë Nejya'aykyukën.

**2.** | Ja Nokytyuuntakn yë'ëjaty tyuunk'attäämpy:



**a)** twoowtsow twijtsowëty ets ttuknipëjk-taakëty neetyu'ukmukë mëet Nitu'ukaty mëti'ipë tyuk'ijtëpën Kyutuunk ets nentu'un ja kutuunk mëti'ipë y'ijxpyën ets tyunëty jyatëty, ma t'ixa'any ttuna'anyën tijjaty tsojkëpën;

**b)** pyutékäämpy Nitu'ukaty mëti'ipë tyuk'ijtëpën, ko jëtu'un ttsoktëty, wä'än tmékta'aktë, nentu'un ja nemyo'oyën jaxim jayam ja nija'awën ets tukniwits tuknikäätsë ja tuunk pëk, jëtu'un ta tnikä-jpyxyën ma tëy'ajtën kyajpxwä'kyxyën 10, 11 ets 12 ma ya'atë Nejya'aykyukë;

**c)** wyinkëta'akëty, jëtu'un ta tjakutukyën mëjwiin këjää Nitu'ukaty mëti'ipë tyuk'ijtëpën Kyutuunk, ja jaay'o'oyën wi'ix wyintu'uwigtyen ets mëti'ipë pattëpën wä'än oy jotkujk tyuunk tjawintupëky; ets

**d)** tpaatunëty tu'kë'eyë wiinkëtypyë nyokytyuunk mëti'ipë yakkajpxwë'ëmpën ma ya'atë Nejya'aykyukë et soy tii wiinkpë mëti'ipë ënety yanikutujkëpën Nitu'ukaty mëti'ipë tyuk'ijtëpën Kyutuunk.

## Tëy'ajtën kyajpxwä'kyxy 18

KUTUUNKMËTI'IPË PUTËKAAMPËN ETS YAKKUUYTYUN YAKKUMËTOWËTY

**1.** | Jëtu'un wyi'imy tu'uk Kutuunk mëti'ipë Putëkaampën ets Yakkuuytyun

Yakkumëtowëty jëtu'un ta kutuunk mëti'ipë y'ijxpyën ets tyunëty jyatëty mëet Nitu'ukaty mëti'ipë tyuk'ijtëpën Kyutuunk ets tpatun tputékëty Nitu'ukaty mëti'ipë tyuk'ijtëpën ma yakkuuytyunyën ya'atë Nejya'aykyukë. Yë y'ënä'ämëns ets wi'ix tyunyën yë'ë pyékta'akäämpy Nitu'ukaty mëti'ipë tyuk'ijtëpën Kyutuunk ma myëtu'uk neetyu'ukmukën.

**2.** | Ja Kutuunk jä'ä yakpëjktä'aky ets tii tjaktëwëty, kä'pyxy, ka'ap tjatsiptëkëty, tjakutukëty ets ka'ap pën tii ttukkumëtowëty, wä'ä tpaai'ixy wi'ixtsow yakpatuny tu'ukëyë mëti'ipë yaa yaknikajpxpëxen ma ya'atë Nejya'aykyukë ets tja'ajëty tii-jaty mëpaat yaktuump, jëtu'un ta tñimëtyä'akyen ja ënä'ämëns kyuuuytyuumpyen mëet Nitu'ukaty mëti'ipë tyuk'ijtëpën Kyutuunk, tjakopkëkëty ja ttuktëk ttukwa'akë ja may jyä'äy naax kajpn ets t'ixëty ja myék'ajtëns ets wi'ix ënety yakpaaty ma nyaax kyajpnëns Nitu'ukaty mëti'ipë tyuk'ijtëpën

## Tëy'ajtën kyajpxwä'kyxy 19

KAJPX'O' OYËN TIIJATY TSIP-TAKPËN

**1.** | Pen jää'ajtp käjpyxytsiy niimäjtsk ok nikanaak Nitu'ukaty mëti'ipë tyuk'ijtëpën wi'ix ënety tjaniwijyën o tpaatunyën ya'atë Nejya'aykyukë, ja täapë Nitu'uka-

ty mëti'ipë tyuk'ijtëpën tpëjktaka'antë ja myék'ajtëñ wä'ä tkajpx'oyëtë ok wä'än t'ix-të wi'ixtsow nyejya'aykyukëtë.

**2.** | Ko Nitu'uk mëti'ipë tyuk'ijtëpën ttukxajëty, tpaa'ixëty ko mëtëyë, tkupëkëty ya'atë Nejya'aykyukë ok ttuktëkëty ma yé'ejën, oy jyëna'ajëty, mëpaat tnikäjpyxy nokyëjxm ma Nyipetyën, mëti'ipë y'ënti-jpyëñ ja käjpyxytsyip ka'apë y'oyëñ jëtu'un ta tnimëtyä'äkyëñ ma myëtu'uknipätt ma ya'atë tëy'ajtëñ kyajpxwä'kyxyëñ, ko tkupëky ëtsip tu'uk o mäjtsk nax wi'ix mëpaat tja'oyëtëñ jyotmay mëet Nitu'uk mëti'ipë tyuk'ijtëpën wä'än netu'un tkupëky ko ëtsip:

- a)** wä'än tkupëky ko kyanejya'aykyukëtë ma Corte Internacional de Justicia;
- b)** wä'än tjam'aty ëpëky mëti'ipë yaku-tukaampëñ ets tkupëktëty wi'ix tjiatuyo'-anyëñ Nitu'ukaty mëti'ipë tyuk'ijtëpën Kyutuunk ënety tnikäjpyxy.

**3.** | Pen Nitu'ukaty mëti'ipë tyuk'ijtëpën tsiptuuntëpën tée ënety tkupëktë ja mäjtskpëky wi'ix mëpaat jyotmay tja'oyëtëñ ma tnimëtyä'äkyëñ myëmäjtsknipätt ma ya'atë tëy'ajtëñ kyajpxwä'kyxyëñ, ja tsip ka'ap nyaxa'any ma ja Corte Internacio-nal de Justicia, ok pen nejya'aykujkëtëpëñ.

## Tëy'ajtëñ kyajpxwä'kyxy 20

### KAJPX' O'OY JAAY' O'OYËN

**1.** | Nitu'ukaty mëti'ipë tyuk'ijtëpën mëpaat tnikäjpyxy tnimëtyä'äky wi'ix yakkajpx'oy yakjaay'o'yë ya'atë Neejyä'aykyukë.

**2.** | Ja kajpx'o'oy jaay'o'oyëñ ma ya'atë Neejyä'aykyukë jää yak'ëxaja'any ma tu'uk neety'u'ukmukën mëet nitu'ukaty mëti'ipë tyuk'ijtëpën. Ja Secretaría jää nyiikajpxäämpy ja noky ma tnimëtyä'äkyëñ tu'kë'eyë tijaty yakkajpx'oyaamp yak-jaay'oyaamp mëet nitu'ukaty mëti'ipë tyuk'ijtëpën tétujkpo'onëm ënety tyëkoy'äty ets yakkupëkëty. Ja Secretaría jää nyiikajpxäämpy tu'kë'eyë ja winma'any ets yakkajpx'oy yakjaay'o'yë pënaty ya'atë Neejyä'aykyukë tyuktëjkëpën ets ma Nyipetyën, wä'än tnijawë.

**3.** | Nitu'ukaty mëti'ipë tyuk'ijtëpën kwanë t'ëxaj tkupëktëty tijaty yakkajpx'oyaamp yakjaay'oyaamp. Pen jam'ajtp tu'kpëky mëti'ipë yakkajpx'oyaamp yak-jaay'oyaamp ets ja kë'ë yakkoonë'ëkka'any, kwanë jyam'atta'any niimay'it ma ënety taxkpëky të wyä'kyxyëñ tékëepëky tkupëktëty ets wyintu'upëkëty.

**4.** | Ma Nyipetyën yë nyiikajpxäämpy wi'ix yakkajpx'oy yakjaay'o'yë mëet nitu'ukaty mëti'ipë tyuk'ijtëpën wä'än tnijawëtë, tkupëktë ok oy t'ëtsowtë.

**5.** | Ja kajpxkexé'ekén, kupéjkén ok tu'uwijtsén tijaty yakkajpx'oyaamp yakjaay'oyaamp jä'ä tniikajpxa'any nokykyejxm ma Nyipetyén. Ja kajpx'o'oy jaay'o'oyen mëti'ipé wintu'upéjkpén wi'ix tniikajpyxyen ma myëtëeknipät ja nokyën ma ya'te týajtén kyajpxwá'kyxy jää wyintu'upéka'any ko nitu'ukaty mëti'ipé tyuk'ijtëpén tkupéktety wi'ix tniikajpyxyen kom myëtaxtujkxéew ma ënety ja tuunpäjtn tē ya kajpxkexé'ekyén, kupékyén ok tyu'uwitsyén oy jënanikujkwá'kyxyen nitu'ukaty mëti'ipé tyuk'ijtëpén ya'até neeyjya'aykyuké. Ko jää, ja kajpx'o'oy jaay'o'oyen tyu'utëka'any ma nitu'ukaty mëti'ipé tyuk'ijtëpén ets tkupékkety tijaty pat-tëpén mëti'ipé jap yaknikajpxpén kom taxtujkxéew ma ënety tē yajkmo'oyen ja tuumpäjtn ma yakkajpxkexé'ekyén, yakkupékyé ok tyu'uwityén ja kajpx'o'oy jaay'o'oyen.

## Týajtén kyajpxwá'kyxy 21

TUXXAJÉ, PA'IJX PATU'UNËN  
MËTËY, KUPÉJKËN, WIN-  
TU'UWIJTSP ETS TUKTEJKËN

**1.** | Ya'até Nejya'aykyuké ëwa'ats y'itta'any ets ttukxajëtety nitu'ké'eyé kutuunkëty mëti'ipé tso'ontëpén Amérıca Latina y el Caribe ma yaktukmëpéké 1, jam Sede de las Naciones Unidas en Nueva York, jää i'pxwixtujk aamp septiembre po'o 2018 ets i'pxtëtujk aamp septiembre po'o 2020.

**2.** | Ya'até Nejya'aykyuké jam nyekymatsa'anyé ma tpa'ixy tpatunyén ko më-

tëy, kyupéjkypy ok wintu'uwijtsp ja mëj kutuunkëty pënaty ënety tē ttukxajëtén. Ëwa'ats y'itta'any wä'an ttuktëkëtë nitu'ké'eyé mëj kutuunk mëti'ipé yakpattepén Amérıca Latina y el Caribe ma yaktukmëpéké 1 ka'anen ttukxajé, kom jëpom ma ënety kyixyén ja xëew po'o ma yaktukxajé ja Nejya'aykyuké. Ja tuunpäjtn mëti'ipé pya'ijxypy pyatuumpy pen mëtëy, kyupéjkén, wintu'uwijtsp ets tuktëjkén jap yakpëjktaka'any ma Nyipetyén.

## Týajtén kyajpxwá'kyxy 22

TSYO'ONTÄÄKY TUUNK

**1.** | Ya'até Neyjya'aykyuké jää tyuuntëké kom majcta'px xëew ko ënety tē yakpëjktäälky ja myëmajktu'uk tuunpäjtn ma yakpaa'ixy yakpaatuny pen mëtëy, yakkupékyén, wyintu'uwitsyén ok ttuktëkén.

**2.** | Ma tu'uk tu'uk mëj kutuunkën mëti'ipé pya'ijxypy pyatuumpyen pen mëtëy, kyupéjkypy, ok wintu'uwijtsp ya'até Nejya'aykyuké ok tyuktëjkëp ok ko tée ënety tpëjktaknëtë myëmajktu'uk tuunpäjtn ma yakpaa'ixy yakpaatuny pen mëtëy, yakku-



pëkyën, wyintu'uwitsyën ok ttuktékën, ya'atë Nejya'aykyukë jää tyuuntékëja'any kom majktapxmajk xëew ma ënety ja mëjkutuunk ënety tē tpëjktä'äky ja tyuunpäjtn ma tpaa'ixy tpaatuny pen mëtëy, tku-pëkyën, tjawintu'uwitsyën ok ttuktékën.

## Tëy'ajtën kyajpxwä'kyxy 23

NIWË' EPËN

Ka'ap mëpaat yakja'ay mëti'pë niwë'epëm ma ya'atë Nejya'aykyukën.

## Tëy'ajtën kyajpxwä'kyxy 24

EE' ENËN

1. | Oy tyimjëna'ajëty ko ënety tē nyajxnë tékëek jëmëjt ma ya'atë Nejya'aykyukë tyu'utékën ma Nitu'ukaty mëti'ipë tyuk'ij-tépën, yë'ë mëpaat tni'ëenë nokykyejxm ma Nyipetyën.

2. | Ja ë'ënën jää tyu'utëka'any kom jëtukjëmëjtnëm ets jää yakmëtyoowtsona'any ko ënety tē t'ëxajë jëtu'un ta pyäätyën nokyejxm ma Nyipetyën, ko jää, me xëew po'o ënety yaknikäjpyxyën ma nokyën.

## Tëy'ajtën kyajpxwä'kyxy 25

MA NYIPETYËN

Yë Secretario General de las Naciones Unidas yë'ë yaktijp Nyipetyën ets yë'ë nyipëjkpätäämpy ya'atë Nejya'aykyukë

## Tëy'ajtën kyajpxwä'kyxy 26

NOKY MËTEYËPË

Ja mëtëyëpë noky ma ya'atë Nejya'aykyukë, ma jyä'äyyëtyën amaxan ets inglés aaw tu'knax yakpaatë mëtëyë, jam yakpëjktaka'any ma yë Secretario General de las Naciones Unidas kyë'amë.

AMUUMTU'UKJOT MA mëti'ipë yam xëepäjtëpën ets tyuktëjk tyukxajëtëpën pattëtëp, tëe ttukxajëtë ya'atë Nejya'aykyukë.

Jam y'o'oyë Escazú, Costa Rica, taxk aamp marzo po'o ko jëmëjt tyuyo'oy mäjtsk mil ja majkmokxtékëek.

